

廣州大典

陳建華 曹淳亮 主 編

廣州大典

46

第三輯·粵雅堂叢書
第八冊

廣州出版社

目錄

第十五集

崇文總目五卷補遺一卷附錄一卷

宋王堯臣等撰清錢東垣等輯釋補遺附錄清錢侗輯 二

菉竹堂書目六卷

明葉盛撰 二一四

菉竹堂碑目六卷

明葉盛撰 二八二

寒山堂金石林時地攷二卷

明趙均撰 三一六

勝飲編十八卷

清郎廷極撰 三四〇

採疏日記三卷

清郁永河撰 四〇六

嵩洛訪碑日記一卷

清黃易撰 四三六

通志堂經解目錄一卷

清翁方綱撰 四四五

蘇米齋蘭亭考八卷

清翁方綱撰 四六〇

石渠隨筆八卷

清阮元撰

五二五

第十五集

寧雅堂叢書

粵雅堂叢書目	
第十五集	
崇文總目輯釋五卷補遺一卷	宋 王欽若等撰
某竹堂書目六卷	國朝 錢東垣等輯
某竹堂書目六卷	明 葉盛撰
某竹堂碑目六卷	
金石林時地考二卷	明 趙均撰
勝飲編十八卷	國朝 郎廷極撰
采硫日記三卷	國朝 郁永河撰
一 粵雅堂叢書目	
嵩洛訪碑日記一卷	國朝 黃易撰
通志堂經解目錄一卷	國朝 翁方綱撰
蘇米齋蘭亭考八卷	
石渠隨筆八卷	國朝 阮元撰

崇文總目

崇文總目輯釋小引

崇文總目六十六卷宋翰林學士王堯臣等奉詔仿開元四部錄爲之諸儒皆有論議通志校讐畧嘗譏其母書之下據標類自見不必一一彊爲之說使人意怠朱錫鬯撰經義攷及集中總目跋遂斷爲紹興中因鄭漁仲之言刪去敘釋近人杭大宗跋頗辨之謂馬貴與王伯厚生後來際百餘年而其書皆引證其說嘉定時蔡驥刻列女傳首簡亦引之則知此書宋時原未有闕後世傳鈔者因其繁重刪去侗按此論誠是然郡齋讀書志直齋書錄解題著錄已止一卷陳伯玉所藏且題曰紹興改定則二說皆未得矣攷紹興十二年權發遣肝胎軍向子固言乞下本省以唐藝文志及崇文總目所闕之書注闕字于其下付諸州軍照應搜訪見于續宋會要蓋因書中著說有云闕某卷某篇或闕若干卷若干篇散見解題中者播諸民間殊費尋閱因僅錄六十六卷之目或注闕字以便按籍而求于是南宋時流傳遂有二本晁子止陳伯玉所見卽今世傳本紹興中從向子固言改定者也馬貴與王伯厚所見乃當時原本

崇文總目輯釋小引

一 粵雅堂叢書

而佚其後半帙者也錫鬯跋又謂總目敘釋歐陽子集尙具大凡私欲鈔爲一本以復舊觀大宗亦云兩書之外餘無所攷以今觀之歐陽集一百三卷且錄經史子三部原敘文獻通攷多半採總目之文獨集部全未稱引子部又加畧耳餘如玉海各類其述崇文目尤多而歐陽全集南豐文集東觀餘論讀書志書錄解題通志校讐藝文二畧孟子疏輿地碑目雲谷雜記困學紀聞三家詩攷漢藝文志攷證宋史藝文志陝西通志經義攷諸書暨宋元人叢書敘跋閒一及之皆足以資攷訂

崇文總目輯釋小引

二

粵雅堂叢書

亦不僅如朱杭二跋所云也侗家舊藏四明范氏天一閣鈔本止載卷數時或標注撰人然惟經部十有一二其餘不過因書名相仿始加注以別之此外別無所見讀者病焉秦君照若偶見是書叱爲祕笈欲受而付之梓人因偕伯兄旣勤仲兄以成金秬和姊倩凡五人區類搜採其引見古今載籍者輯而綴之猶錫鬯之志也讐校方半又屬友人于文淵閣中借鈔四庫館新定之本互勘異同總得原敘三十篇原釋九百八十條引證四百二十條或原釋無從攷見乃爲博稽史志補釋撰

人其中標卷參差稱名錯雜以暨闕漏之字譌舛之文傳諸來茲易滋疑義則仿趙君錫攷異隨齋批注王伯厚攷證之例閒爲一二商榷語而陳君令華亦時與參校其閒所益益夥矣至原本書共三千四百四十五部三萬六百六十九卷較諸今本多寡懸殊蓋七百餘年來轉輾傳鈔未免脫佚故有羣書所引而今無其目者侗又別爲補遺附著卷後凡闕半載而事竣命曰輯釋釐卷以五經部爲伯兄輯史部爲仲兄輯子部下爲秬和輯集部爲照若輯其子部之上則侗所輯也博雅君子諒而教之時己未歲嘉慶四年二月嘉定錢侗書

崇文總目輯釋小引

三

粵雅堂叢書

崇文總目原敘

東晉三千一十四卷李充校孝武增益三萬餘卷徐度校見通雅

錢繹案方密之引崇文總目敘云云攷諸家著錄並不云總目有敘卽後人援引亦罕有及之者然宋時儒臣審定之書皆有敘錄卽如曾子固等校勘敘文具載南豐文集此書乃當時奉敕編次豈奏上之時竟無一敘耶但明代所存總目已無解題卽天一閣鈔本亦未見有敘不知方氏所据何書今審此文其爲敘中語無疑故仍弁錄卷首

崇文總目原敘

一 粵雅堂叢書

崇文總目原目錄

秦鑒按玉海引宋國史志總目六十六卷之外別有敘錄一卷天一閣鈔本所無蓋紹興中與敘釋同時刪去也今原敘已無從搜採而四部子目尙存卷中因依舊本次第補著目錄如左而以新編卷數附記于下俾覽者便焉

卷一

易類

卷二

書類

詩類

卷三

禮類

卷四

樂類

卷五

春秋類

卷六

孝經類

論語類

崇文總目原目錄

一 粵雅堂叢書

卷七	小學類上
卷八	小學類下
卷九	鑒按以上經部共八卷今編爲卷一
正史類	
卷十	編年類
卷十一	實錄類
卷十二	雜史類上
卷十三	雜史類下
卷十四	偽史類
卷十五	
崇文總目原目錄	
二	
粵雅堂叢書	

職官類	卷十六
儀注類	卷十七
刑法類	卷十八
地理類	卷十九
氏族類	卷二十
歲時類	卷二十一
傳記類上	卷二十二
傳記類下	卷二十三
目錄類	
鑒按以上史部共十五卷今編爲卷二	
崇文總目原目錄	
三	
粵雅堂叢書	

算術類	卷三十三	藝術類	卷三十四	醫書類一	卷三十五	醫書類二	卷三十六	醫書類三	卷三十七	醫書類四	卷三十八	醫書類五	卷三十九	卜筮類	卷四十	天文占書類
-----	------	-----	------	------	------	------	------	------	------	------	------	------	------	-----	-----	-------

崇文總目原目錄

五

學雅堂叢書

卷四十一	歷數類
卷四十二	五行類上
卷四十三	五行類中
卷四十四	五行類下
卷四十五	道書類一
崇文總目原目錄	
六	
粵雅堂叢書	
卷四十六	道書類二
卷四十七	道書類三
卷四十八	道書類四
卷四十九	道書類五

卷五十	道書類六
卷五十一	道書類七
卷五十二	道書類八
卷五十三	道書類九
卷五十四	釋書類上
崇文總目原目錄	
七	
粵雅堂叢書	
卷五十五	釋書類中
卷五十六	釋書類下
鑒按以上子部下共十八卷今編爲卷四	
卷五十七	總集類上
卷五十八	

總集類下

卷五十九

別集類一

卷六十

別集類二

卷六十一

別集類三

卷六十二

別集類四

崇文總目原目錄

八
粵雅堂叢書

卷六十三

別集類五

卷六十四

別集類六

卷六十五

別集類七

卷六十六

文史類

鑒按以上集部共十卷今編爲卷五

崇文總目卷一

宋 王堯臣等 編次

嘉定 錢東垣 輯釋

易類

共一十八部計一百七十一卷

東垣按玉海引崇文目七十一作七十八云始於歸藏終於言象外傳

又按漢書藝文志隋書經籍志每類小敘及總數皆在目錄後舊唐書經籍志唐書宋史藝文志

崇文總目卷一

一
粵雅堂叢書

無敘而總數亦列于後惟文獻通攷經籍類敘數並在目前此書天一閣鈔本但有總數在前而敘久散佚今從歐陽文忠公集輯錄各敘因依前志之例次每類後其總數則編次時已列于前故仍舊本錄之

歸藏三卷 原釋晉太尉參軍辟正注隋書有十三篇今但存初經齊母本著三篇文多闕亂不可詳解

文獻通攷

東垣按馬貴與所引總目玉海藝文類引作中

興書目未知孰是辭正本名貞此避仁宗嫌名

周易一卷 原釋鄭康成注今惟文言說卦序卦雜卦

合四篇餘皆逸指趣淵確本去聖之未遠見文獻通攷

東垣按漢志十二篇舊唐志十二卷隋志九卷

經典釋文敘錄唐志並十卷

周易十卷 原釋王弼注見天一閣鈔本

東垣按隋志釋文敘錄並六卷

周易十卷 原釋李鼎祚注見天一閣鈔本

東垣按諸家書目並作集解唐志作集注周易

總文總目卷一

二 粵雅堂叢書

十七卷攷鼎祚自敘但云十卷

易緯九卷 原釋宋均注見天一閣鈔本

東垣按厚齋易學引總目云周易緯九卷漢鄭

康成注與此互異攷今存易緯皆康成所注然

北宋宋均注猶存玉海引崇文目亦繫于均注

之下疑舊本不誤

周易乾鑿度二卷 原釋中述陰陽日辰數識見經義攷易類

東垣按玉海引崇文目同郡齋讀書後志云坤

鑿度隋唐志及崇文總目皆無之舊本乾下有

坤字乃後人妄加今校刪

元包十卷 原釋衛元嵩撰元嵩唐人武功蘇源明傳

趙郡李江注元包以坤爲首因八純之宮以生變極

于六十四自繫其辭言外卦體不列爻位以謂易首

乾尙文包首坤尙質夏連山商歸藏周易唐包其實

一也雖欲馳騁而放言趨理近止易家之區比云見文獻通攷

元包十卷太陰太陽少陰少陽仲陰仲陽孟陰

孟陽運著說原原注一本無說原第十卷見玉海藝文類

東垣按玉海引崇文目同郡齋讀書志作元命

崇文總目卷一

三 粵雅堂叢書

苞

周易新論傳疏十卷 原釋唐陰洪道撰洪道世其父

顯之學雜采子夏孟喜等十八家之說參訂其長合

七十二篇于易有助云見文獻通攷闕見天一閣鈔本

周易正義十四卷 原釋孔穎達等見天一閣鈔本唐太尉長

孫無忌與諸儒刊定宋朝端拱初國子司業孔維等

奉詔是正其言主申王學云見文獻通攷

東垣按此二釋撰人互異然諸家書目及今本

皆題孔穎達等疑以舊本爲正今兩存之唐志

十六卷誤攷穎達等敘但稱十四卷舊唐志亦同直齋書錄解題十三卷引館閣書目亦云今本止十三卷通攷同今學官本皆十卷蓋又爲後人所并

周易傳十卷 原釋此書篇第畧依王氏決非卜子夏之文又其言近而不篤然學者尙異頗傳習之見文獻通攷

關見天一閣鈔本

東垣按晁以道傳易堂記云今號爲子夏傳者崇文總目亦斥其非是而不知其所作之人子

崇文總目卷一

四 國子雅堂叢書

知其爲唐張弧之易也又經義攷呂祖謙曰崇文總目剗去子夏名以祛誤惑最爲有理今本十一卷

周易傳二卷 原釋唐右拾遺陸希聲撰希聲作易傳十篇易圖指說釋變微旨四篇初隴西李阮學其說以爲上下經傳二篇思屬甚妙故希聲自爲之解餘篇差顯不復爲注蓋近世之名家歟今二篇外餘篇逸見文獻通考

東垣按讀書志通攷並十卷宋志十三卷

周易舉正三卷 原釋唐蘇州司戶參軍郭京撰京世授五經得王輔嗣韓康伯手寫易經比世所行或頗差駁故舉正其訛而著于篇見文獻通攷

東垣按玉海引崇文目同

周易物象釋疑一卷 原釋唐東鄉助撰取變卦互體開釋言象蓋未始見康成之學而著此書焉見文獻通攷

東垣按尤延之遂初堂書目作辨疑書錄解題作東陽助云館閣書目又云守江陵尹東陽

周易甘棠正義三十卷 原釋任正一撰以孔穎達爲

崇文總目卷一

五 國子雅堂叢書

本甘棠者正一爲陝州司馬故名其書見玉海藝文類

東垣按通攷無周易二字引崇文總目云梁陝州大都督府左司馬任正一撰以孔穎達正義申演其說與此稍異

周易口訣義六卷 原釋河南史證撰不詳何代人其書直抄孔氏說以便講習故曰口訣見文獻通攷 闕見天一閣本鈔

東垣按通志藝文略作史之證書錄解題作史之徵云避諱作證字宋志作史文徽

周易正義補闕七卷 原釋邢璣見天一閣鈔本不著撰人名

氏其說自謂裨穎達之闕見文獻通考

東垣按玉海引崇文目同通攷作周易正義補

缺略例疏一卷引不著撰人名氏云云而舊本

有邢璣二字未知孰是今姑兩存其說陳詩庭

云前周易正義孔穎達等四字下卷尙書斷章

成伯璵三字及此邢璣並與通攷所引互異疑

世所傳天一閣本卽朱錫鬯所鈔而此數條皆

其增加者錫鬯曾撰經義攷故舊本于經部注

崇文總目卷一

六
粵雅堂叢書

釋撰人獨多

易論三十三卷 原釋王昭素見天一閣鈔本

東垣按玉海引崇文目同

周易言象外傳十卷 原釋皇朝王洙原叔撰洙以通

經侍講天章閣鳩集前世諸儒易說折衷其理依卦

變爲類其論以王弼傳爲內故自名曰外傳見文獻通攷

東垣按玉海引崇文目同通攷作外集誤

原敘前史謂秦焚三代之書易以卜筮而得不焚及漢

募羣書類多散逸而易以故最譎及學者傳之遂分爲

三一日田何之易始自子夏傳之孔子卦象爻象與文

言說卦等離爲十二篇而說者自爲章句易之本經也

二曰焦贛之易無所師授自言得之隱者第述陰陽災

異之言不類聖人之經三曰費直之易亦無師授專以

彖象文言等參解卦爻凡以彖象文言雜入卦中者自

費氏始田何之學施孟梁邱之徒最盛費氏初微止傳

民間至後漢時陳元鄭眾康成之徒皆學費氏費氏興

而田學遂息古十二篇之易遂亡其本及王弼爲注亦

用卦象相雜之經自晉以後弼學獨行遂傳至今然易

崇文總目卷一

七
粵雅堂叢書

比五經其來最遠自伏羲畫卦下更三代別爲三易其

變卦五十有六命名皆殊至于七八九六筮占之法亦

異周之末世夏商之易已亡漢初雖有歸藏已非古經

今書三篇莫可究矣獨有周易時更三聖世歷三古雖

說者各自名家而聖人法天地之緼則具存焉見歐陽文忠公集

玉海藝文類引田何之易至易之本經也無始自子夏何又引漢初以下四句

東垣按以上原卷一

書類

共七部計八十一卷

古文尙書十三卷

尙書十三卷 孔安國傳

尙書大傳三卷 原釋漢濟南伏勝撰後漢大司農鄭

元注伏生本秦博士以章句授諸儒故博引異言授

受援經而申證云見文獻通攷

東垣按玉海云隋志大傳三卷鄭元注崇文目

同書錄解題通攷並四卷今本亦分四卷

尙書正義二十卷 原釋孔穎達等見天一閣鈔本

尙書廣疏十八卷 原釋偽蜀馮繼先撰以孔穎達正

崇文總目卷一

八 國雅堂叢書

義爲本小加己意見文獻通攷

東垣按玉海引崇文目同宋志十卷通攷不著

卷數

尙書斷章十三卷 原釋成伯璵見天一閣鈔本不著撰人名

氏按其書略敘眾篇大旨見文獻通攷

東垣按此條舊本與通攷所引互異說見前

尙書釋文一卷 原釋陸德明撰皇朝太子中舍陳鄂

奉詔刊定始開寶中詔以德明所釋乃古文尙書與

唐明皇所定今文駁異令鄂刪定其文改從隸書蓋

今文自曉者多故切彌省見文獻通攷

原敘書原于號令而本之史官孔子刪爲百篇斷堯訖

秦序其作意遭秦之故孔子末孫惠與濟南伏勝各藏

口本于家楚漢之際勝失其所藏但口以傳授勝既耄

昏乃繆合二十四篇爲二十九歐陽夏侯之徒皆學之

寫以漢世文字號今文尙書至武帝時孔惠之書始出

屋壁百篇皆在而半已磨滅又皆科斗文字惠孫安國

以隸古定之得五十八篇爲之作傳號古文尙書至陳

隋之閒伏生之學廢絕而孔傳獨行先是孔傳亡其舜

崇文總目卷一

九 國雅堂叢書

典東晉梅賾乃以王肅所注伏生舜典足其篇至唐孝

明不喜隸古始更以今文行于世見歐陽文忠公集

詩類

共八部計一百一十五卷

東垣按玉海引崇文目同

毛詩古訓傳二十卷 毛亨撰

東垣按漢志三十卷或作故訓古字通

韓詩外傳十卷 韓嬰撰

東垣按漢志六卷

毛詩草木鳥獸蟲魚疏二卷 原釋吳太子中庶子烏

程令陸璣撰世或以璣爲機非也機自爲晉人本不治詩今應以璣爲正然書但附詩釋詁審于采獲似非通儒所爲者將後世失傳不得其真歟見文獻通考

東垣按書錄解題通攷鳥獸二字並在草木上今本標題與此同

毛詩正義四十卷 原釋唐國子祭酒孔穎達撰太尉長孫無忌諸儒刊定國朝端拱初國子司業孔維等奉詔是正詩學之家此最爲詳見文獻通攷

崇文總目卷一

十 粵雅堂叢書

毛詩小疏二十卷 原釋不著撰人名氏因孔疏爲本刪取要義輔益經注云見文獻通攷

毛詩指說一卷 原釋唐成伯璵撰略敘作詩大旨及師承次敘見熊克毛詩指說跋及文獻通攷

東垣按通攷不著卷數

毛詩斷章二卷 原釋唐成伯璵撰大抵取春秋賦詩斷章之義鈔取詩語彙而出之見熊克毛詩指說跋及文獻通攷

東垣按通攷作彙章不著卷數

毛詩解題二十卷 原釋不著撰人名氏篇端總敘詩

義次述章旨蓋近儒之爲者歟見文獻通攷

東垣按宋志解作釋通考不著卷數

原敘昔孔子刪古詩三千餘篇取其三百一十一篇著于經秦楚之際亡其六漢興詩分爲四一曰魯人申公作訓詁號魯詩二曰齊人轅固生作傳號齊詩三曰燕人韓嬰作內外傳號韓詩四曰河閒人毛公作故訓傳號毛詩三家並列學官而毛以後出至平帝時始列于學其後馬融賈逵鄭眾康成之徒皆發明毛氏其學遂盛魏晉之閒齊魯之詩廢絕韓詩雖在而益微故毛氏

崇文總目卷一

十一 粵雅堂叢書

獨行遂傳至今韓嬰之書至唐猶在今其存者十篇而已漢志嬰書五十篇今但傳其外傳非嬰傳詩之詳者而其遺說時見于他書與毛之義絕異而人亦不信去聖既遠誦習各殊至于攷風雅之變正以知王政之興衰其善惡美刺不可不察焉見歐陽文忠公集三家詩說絕異無漢志嬰書五十篇句

東垣按以上原卷二

禮類

共三十三部計一千九十七卷